

Bâdî-i Jurnal oldur ki

- 1- Medine-i Kayseriye civârında Karcama ve Avadik derelerinde geşt ü güzâr etmek üzere ba'zı kuralardan kifâyet
- 2- mikdârı piyâde sevk olunduğu ma'lûm-ı çâkerânelerimiz olmuş karyemiz olan Isbıdın karyesinden dahi çend nefer gönderilmesine dair bir kıt'a buyruldu-ı veliyyü'n-ni'âmileri vürûd ve feth-i kırâet olundukda sem'an ve itâaten merâsimini
- 3- ba'del-edâ zikr olunan Isbıdın karyesi sengistan bir dere içinde olup Gayrıhan dedikleri muhavif bir mahal
- 4- muhâtara olduğundan Afşar hırsızların dâima mürûr ve ubûr edecek tarîkleri olup hatta beş on gün
- 5- mukaddem iki nefer Çerkes mühâcirlerin mezkûr hanın önünde kurşunlu tüfenk endâhtıyla vurup mecrûhen
- 6- Barsama karyesinde fevt oldukları ma'ûlum-ı seniyyeleri buyrulmuşdur ve civârında bulunan Sakaltutan
- 7- ve Sülemiş deresi karîb bulunmuş olmağla Afşar eşkiyâların gizlenecek mahal-i maveraları olup
- 8- yevmen fe yevmen oralarda ve ale'l-husûs meşhur ve mütearif olan Lalebeli ve kezâlik ve bizim karye ahâileri
- 9- Gayrıhan önünden mürûr ve iki kurşun menzil mikdârı mesâfe harman dökdükleri mahale gidüp
- 10- gelmekte ve hayvânâtlarımızın yayıldığı mahal Gayrıhan'ından yarım saat mesâfe-i karîbe bulunmuş ve zirâatçı
- 11- makûlelerinden başka boştta kalmış olan bir kaç adamlarımız dahi daimen harman çıkarmaya giden gelenleri
- 12- ve hayvânâtlarımızın hıfz-ı hirâset olunmasına gayret ederek leyl ü nehâr kendi hallerimiz ile uğraşıldığı
- 13- ma'lûm-ı ilm-i âlîeri buyuruldukda buyrulduğu-ı sâmilerini getüren zabtiye kullarına her ne kadar jurnal verilmiş ise de
- 14- cidârımız bulunan Mancusun ve Karahöyük ve Gömeç ve Barsama kuralarından beher yevm beşer nefer piyâde Gayrıhan'ı
- 15- ve Sülemiş civârlarında geşt ü güzâr etmelerine emr ü tenbih buyurulduğu sûretde bu kulları ve sâir fukarâ
- 16- ve zu'afâ ve berâya ve ebnâ-i sebilin câh-ı selâmet ile müsterihü'l-hâl ve müreffehü'l-bal olacakları âşikâr
- 17- olduğuna binâen min gayr-ı haddin hâk-pây-i devletlerini ihtâr zımmında iş bu jurnalî âcizânelerimiz takdime cesâret
- 18- kılınmıştır. Olbâbda ve herhâlde emr ü irâde efendimiz hazretlerindedir.23 Safer 1280

Bende

Muhtar-ı evvel mahallât der karye-i Isbıdın

Bende

İmam-ı mahallât der karye-i Isbıdın